

## СЕЛÄНÄ ЭДЛ-АХУН МАШИДТ КӨДЛХ УЛС БЕЛДЛГЪН

Селәнә эдл-ахун машидин төлә механизатормуд белддг, 5-гч номертә училищ Элст Балгъснд 1944 джил бүрдәгдсн көдлдж бәәнә. Эн училищд олн зүсн маркта трактормуд меддг механизатормуд белднә.

Бүрдәгдснәс нааран училищ кесг минъгън механизатормуд дасхдж МТС-р болн МЖС-р йовулв. Улгүринь келхд, сүү-лин гурвн джилин эргцд 1142 механизаторск кадрмуд сургъдж гаргъад, крайин болн танъгъчин МТС-р болн МЖС-р көдлмшт йовулв.

Училищд сурдж гарсн улс техническ медрлән сәәнәр олзлдж, селәнә эдл-ахун көдл-мшин өмн нүүр эзлдж, йилгъән сәәнәр тәрә-темс тәрәд, ик ургъц хурадж йовцхана. Сән ургъц ургъадж, терүгән геелт угагъар хурадж авсн төләдән, эднәс тәвн күн орденс болн

медальсәр ачлгдв.

Йилгъән сәәнәр көдлдж, сән үлгүр үзүлсн төләдән тракторист үр Зенков Александр Семенович 1956 джил Москвад, Кремльд, эмнг болн эмнгшргсн газр хагълдж эдллгънд орлцсн комсомольцнрин болн багъчудин совещаньд орлцсн.

Эн училищ 1957 джилин зурагъар 220 механизаторск кадрмуд белдхмн, теднәс 60 күнь сурад, төгскәд, комбайнермүд болихав. Ода 160 күн тракторин сургъуль дасджа-цхана.

Эдниг сургъджах багшнр болн мастермүд чидлән хәәрл-лго, килмджән сәәнәр өгч көдлсн учрар сургъульчнр дунд муугъар сурч йовх күн уга.

А. ДЖЕВАЛДЫКОВ.